

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Schatzbehälter der wahren Reichtümer des Heils**

**Fridolin, Stephan**

**[Nürnberg], 1491**

Von der vnbilllichen furfurung cristi

[urn:nbn:de:bsz:31-130913](https://nbn-resolving.org/urn:nbn:de:bsz:31-130913)

## Von der vnbillichen furfurung cristi

**D**iese figur gehört zu dem ersten articke des einundfünfftzigstem gegenwurffs. In wie grossen eren vnser herr solt gehalten sein worden. als hernachuolgt in d' auflegug diser figure.

**D**er einundfünfftzigst gegewurff wie die heiligkeit ist enteret worden

**D**ie heymlich ynner heyligkheit. ist zu vnren geöffnet vnd entplößet worden.

**D**ie auflegug des ersten articckels.

**D**a der ertzengel gabriel. der werde iunctfrewlichen muter vnseren herren. die keuschen heiligen empfangnus vn die frölichen gepurt. desselben vnseren herren irs kints. von dem heilige geiste in ir. vnd auß ir. künfftig verkündet. da sprach er vntter andern wortem zu ir. Das auß dir heilig geporn wirt. das wirt gottes sun geheissen zc. Das heilig. sprach er. vn mit der heilig. zu bedeutung das er die wesentlich heiligkeit vn heiltum ist. Sol man nun ander heiltum mit anrürn. mit sehē. noch entdecken. dan mit forchten. mit grosser ere erbietung vnd andacht. anbeten. vnd auch mit solcher weis getar mā etliches mit entplößen oder bewegem. als oft bewert ist worden. wann etlich die der heilige gepeyn bloß gesehen haben. sind geplagt worden. vnd eins gehen tods gestorbe. als sant Gregorius schreibt in dem register. vnd man lisset in der translacion sant Stephans. von sant laurentzen gepeyn zc. mit was grosser andacht. zucht vn ere erbietung. solt man dan cristi gesehen haben. der der wesentlich gott ist. so man seiner knechts knecht. toten gepeyn entplößet mit getar sehen. **D**iese heiligkeit cristi. ist begriffen in dem

obern teyl diser lx. figur. Da moyses vor dem prinnendem busch anbetend knyet. wann der. der moyses erschein. in dem liechte buschs. was ein engel. Act. am. vij. ca. doch in d' person gottes. Vn gepot moysi. das er ym mit nahnē. sund die schuch abziehē solt. wan die stat da er stünde wer heilig. Exodi am. iij. capi. Vn moyses getorst den engel mit ansehen. sunder er verbarg sein angesicht.

**D**esgleichē wirt sie auch begriffen in dem vnttern teil diser figur. Da d' engel dem iosue. moyses nachfolger. in dē regiment erschein. das iosue vor ym für sich nyder fiel vnd sprach. woz redt mein herr zu seinē diener. Da sprach er auch. Zeüh ab dein schuch. wann die stat ist heilig dar an du steest. Josue am. v. cap. **O** sind die stet da die engel erschynen sind. also gewirdiget vn geheiliget worden. Wie solt man denn den menschen geeret vnd gewirdiget haben. der selbs wesentlicher got was. **D**esgleichen die arch gottes solt mit bloß angerürt. noch gesehen werden. auch von den wurdigsten vntter den leuten. die doch die ner des tabernackes waren. vnd solten die gefeh desselben. als dē güldē leuchter. mit den siben lampeln. den güldenn tisch. den güldenn altar des weyrachs. vnd desgleichen. mit aller zugehörung als die darzu geweiht waren. tragen. dan noch woz ynen bey der pen des tods verboten. das sie es bloß mit sehen soltē es wer den zwifeltig. oder dryfeltig be deckt. vnd eingewickelt. der menner von bethsamis. wurdenn fünfftzig tausent. das ist. souil treffenlicher. das man sie für so vil möcht geachtet haben. des gehen tods geplagt. darumb. das sie die arch gottes ploß angeschē hetē. j. Reg.

## Von der vnbillichen furfurung cristi

vj. da die priester die arch gottes durch den iordan solten tragen. da gepot iosue. das das volck bey zweyen tausent elenpogen weit. mit zu der arch nehmen solt. Josue am. iij. ca. Da got auff dem berg synay. die. x. gebot geben wolt. da gepot er durch moysen dem volck. das sie sich von eelichen wercken enthielten vnd ire cleider wuschen. vnd sich drey tag bereitten. vnd keiner dem berg nahen. noch seinen ort anrüren solten bey der pen der versteinigung. vnd der auff dem berg in der gestalt des feüres erscheyne. was ein engel in der person gottes. mit got selbs. sunder gottes diener. Must man sich dann also zu der gegenwertigkeit eines botten vñ dieners cristi. von ferrem bereitten vnd in solchen forchten steen. so gedencck wie man sich gegē dem gehalten solt haben. der wesentlich selbs got ist. ¶ Itē solt mā nun die ding. die allein figuren vnd zeichen des herrē warē. als die arch. zu der nyemandis genahnen getorst. denn allein d̄ fürst der priester. d̄ bischoff. ein mal in dem iar. mit grosser solennitet. herrligkeit. heiligen cleidern. sundern opfern. vnd andern umbsteenden. also verbergen. bewaren. eren vnd in heiligkeit halten. als künig dauid. zu ere der arch gottes den tempel den er lieber selbs gepaut het. seinen sun Salomon zebawen furgabe. vnd hundert tausent zentner goldes. vñ tausent mal tausent zentner silbers dar zu. j. Paralip. am. xij. vñ ander materi. der gewicht kein zal w̄z. vor vile der menige opfert. vñ ordinirt. acht vnd dreyszig tausent diener vnd leuiten dar zu. In welchen eren solt man dē herren gehaltē haben. der die lebendig wesentlich arch gottes was. nach dē. d̄z

man an ym aufwendig sahe. vñ nach dē das er vō inwendig zeglauen vñ in d̄ warheit w̄z warer got. der ob dē engeln mit vō geschlagne gold gemachet. iund ob den himlischen verstentlichen. hochschwebendē. veststeenden. sicher ruendē clarscheinenden trōnen. vnd cherubin sitzet. mit was liebe. andacht. ere erbietig. demutigkeit. hertzlicher frewd. vñ danckberkeit solt man yne. gesehen. gehöret. vñ angerüret habē. so er sich auf liebe. zu dem mēschē. aufgnadereicher senfftmutigkeit. dē mēschē vñ irs heils willen. so gemeinsam vñ lieplich machet. das er sich die geprech enhafftigen. die sūnder. die vnreine. die mit vntter dē leuten wonē soltē. liep anrüren. vñ rürt an die teüfelheffigē. die todte. vñ allerley prechēhafftiger menschē. das er eynem yeglichem helffe nach seiner notdürfftigkeit. vñ so er sich so gemeynlich yederman nütz machet. so merck. mit w̄z fleisch. vnd sorgfeltigkeit man yne solt bewart haben. vñ besunder die iuden. die einen besundern fleisch heten zeuerbergē vnd zubehüten ir heiltum. vnd tet ynen vber alle sig wee. als iosephus schreibt. wen ir heimlich heiligkeiten. den heiden endeckt vnd geöffnet wurden. Wie solten sie denn den herren. der ynen alleyn gesant was. als er selbs sprach. bewart. behüt. vnd versorget habenn vor den fremden. vñ allermeist vor den rōmern. die vber sye geweltig vnd dar zu heyl den waren. vnd mochtē yne ynen mit gewalt nemen. als sie zudörchtenn heten. nach irer volkommenheit zerechnen.